

Na osnovu člana 4. i člana 5. Zakona o donacijama preduzeća u javnom vlasništvu ili pod javnom kontrolom u Federaciji Bosne i Hercegovine („Sl. novine Federacije BiH“, broj: 13/03), a u skladu sa članom 2. Odluke Skupštine privrednog društva UNIS „GINEX“ d.d. Goražde broj: 07-17V-4/25 od 15.12.2025. godine, Uprava UNIS „GINEX“ d.d. Goražde raspisuje:

JAVNI OGLAS ZA DODJELU DONACIJA

I

Raspisuje se Javni oglas za dodjelu donacija iz dobiti privrednog društva UNIS „GINEX“ d.d. Goražde (u daljem tekstu: Društvo) u skladu sa članom 2. Odluke Skupštine privrednog društva UNIS „GINEX“ d.d. Goražde broj: 07-17V-4/25 od 15.12.2025. godine.

II

Donacije iz tačke I mogu se dodjeljivati u sljedećim oblastima:

- 1) sport (profesionalni, rekreativni, invalidni, školski/univerzitetski);
- 2) kultura (obnova kulturne baštine; kulturne manifestacije i susreti; obilježavanje značajnih jubileja; obrazovanje u školama);
- 3) socijalna pomoć (programi i/ili projekti i/ili aktivnosti, usmjereni na rješavanje problema osoba sa invaliditetom, civilnih žrtava rata, osoba sa posebnim potrebama, penzionera, raseljenih lica i povratnika kroz: saniranje putne i socijalne infrastrukture/(izgradnja ambulante, škole, domova kulture, vjerskih i drugih objekata/, pomoć starim, bolesnim i nemoćnim, žrtvama nasilja u porodici i porodicama u stanju socijalne pomoći, stipendiranje siromašne djece);
- 4) humanitarne svrhe (programi i/ili projekti i/ili aktivnosti kao podrška institucijama u pomoći djeci i odraslim sa posebnim potrebama, javnim kuhinjama i raznim oblicima podrške građanskim inicijativama, pomoći u oblasti održivog povratka, te organizacija i učešće u humanitarnim događajima);
- 5) ekologija (očuvanje prirode i zdrave životne sredine).

III

Pravo učešća za dodjelu donacija po ovom javnom oglasu, kroz programe i/ili projekte i/ili aktivnosti, imaju sva pravna lica – Aplikanti, koja ispunjavaju uvjete:

- a) da su registrovana pravna lica sa sjedištem u BPK Goražde i da su ista osnovana najmanje tri godine prije objavljivanja ovog Javnog poziva;
- b) program i/ili projekt i/ili aktivnost za koji se podnosi aplikacija mora(ju) biti iz jedne od oblasti navedenih u tački II ovog Oglasa, a može istovremeno obuhvatiti više podoblasti;
- c) aplikacija mora prezentirati kvalitet i originalnost programa i/ili projekta i/ili aktivnosti, kojim Aplikant dokazuje raspolaganje ekskluzivnim pravom na isti;

d) da za program i/ili projekt i/ili aktivnost sa kojim aplicira za dodjelu donacija aplikant nije dobio donaciju u tekućoj godini od drugog privrednog subjekta koji se bavi istom ili srodnom djelatnošću kao Društvo;

e) da aplikant nije dobio donaciju od ovog Društva u skladu sa Odlukom Skupštine broj: 07-17V-4/25 od 15.12.2025. godine, objavljenu u Službenim novinama Federacije BiH br. 99/25 od 26.12.2025. godine.

Aplikant ima pravo učestvovati na javnom oglasu za dodjelu donacije samo za jedan program ili projekt ili aktivnost, koji nije komercijalni i ne donosi finansijsku korist Aplikantu.

IV

Kvalifikacija i ocjena prispjelih aplikacija za odabir i dodjelu donacija vršiće se na osnovu slijedećih kriterija:

- a) kvalitet programa i/ili projekta i/ili aktivnosti,
- b) originalnost i posebnost programa i/ili projekta i/ili aktivnosti,
- c) direktna ili indirektna dobrobit za društvenu zajednicu,
- d) stepen korisnosti za društvenu zajednicu,
- e) ispunjenje općih i dodatnih uvjeta za dodjelu donacija

V

Nakon što se okonča procedura dodjele donacija, propisana Zakonom o donacijama preduzeća u javnom vlasništvu ili pod javnom kontrolom u FBiH ("Službene novine FBiH", broj 13/03) i izvrši se odabir korisnika kojima će se dodijeliti donacija, sa svakim korisnikom će se, prije nego što mu se izvrši transfer donacije, zaključiti ugovor o dodjeli donacije.

VI

Uz prijavu za donaciju treba dostaviti originale ili ovjerene fotokopije dokumenata kojima se dokazuje ispunjavanje traženih uslova iz tačke III javnog oglasa, i to:

- 1) dokaz o registraciji pravnog lica ne stariji od 6 mjeseci (rješenje o registraciji izdato od nadležnog suda ili organa kod kojeg je pravno lice registrovano, ili izvod iz sudskog registra, odnosno izvod iz registra pravnih lica koji se vodi kod organa kod kojeg je pravno lice registrovano);
- 2) uvjerenje o poreznoj registraciji (Porezni ID broj, te PDV broj – ako je subjekt PDV obveznik /ako subjekt nije PDV obveznik, priložiti izjavu da subjekt nije PDV obveznik, potpisanu od ovlaštenog lica i ovjerenu pečatom pravnog lica)
- 3) ugovor sa poslovnom bankom ili potvrda poslovne banke, kao dokaz za postojanje transakcijskog računa kod poslovne banke;
- 4) program i/ili projekt i/ili aktivnost za koji se podnosi aplikacija
- 5) izvještaj o finansijskom poslovanju podnosica prijave za prethodnu godinu sačinjen od strane ovlaštenog organa;
- 6) izjavu, potpisanu od ovlaštenog lica i ovjerenu pečatom pravnog lica, da za program i/ili projekt i/ili aktivnost sa kojim se aplicira za dodjelu donacija aplikant nije dobio donaciju u

tekućoj godini od drugog privrednog subjekta koji se bavi istom ili srodnom djelatnošću kao Društvo;

7) izvještaj o utrošku sredstava za projekte odobrene u predhodnoj godini od strane Društva (samo za pravna lica koja su, u predhodnoj godini, dobili donaciju od Društva i koja do dana objavljivanja ovog Javnog oglasa nisu dostavili izvještaj o utrošku sredstva za donaciju dodjeljenju u 2024. godini).

Prijave aplikanata koji ne budu dostavili dokumentaciju navedenu u tačkama 1) do 7) neće biti uzete u razmatranje.

VII

Javni oglas ostaje otvoren 8 (osam) dana od dana objavljivanja, a isti će se objaviti istovremeno u dnevnim novinama „Dnevni avaz“, Sarajevo, na radio televiziji RTV BPK Goražde i na službenoj web stranici: www.unisginex.com.

VIII

Prijave se podnose lično na protokol Društva ili preporučenom poštom u zatvorenoj koverti na adresu:

UNISGINEX d.d. Goražde
Višegradska bb, 73000 Goražde,
sa naznakom – “Za javni oglas za dodjelu donacija”.

Neblagovremene i nepotpune prijave se neće razmatrati.

UPRAVA DRUŠTVA
DIREKTOR

Dženana Turković, dipl.ing.el.